

Broj: 02-14-5-1395-11/17
Sarajevo, 14.11.2017. godine

Na osnovu člana 70. st. (1) i (3) Zakona o javnim nabavkama („Službeni glasnik BiH”, broj: 39/14), a na prijedlog Komisije za javne nabavke, imenovane Rješenjem, broj: 02-14-5-1395-1/17 od 22.08.2017. godine, federalni ministar raseljenih osoba i izbjeglica **d o n o s i**

ODLUKU
o izboru najpovoljnijeg ponuđača za nabavku roba
tečnih goriva za službena motorna vozila za potrebe
Federalnog ministarstva raseljenih osoba i izbjeglica

I

U cilju odabira najpovoljnijeg ponuđača, nakon provedenog otvorenog postupka javne nabavke roba – tečnih goriva za službena motorna vozila za potrebe Federalnog ministarstva raseljenih osoba i izbjeglica, evidencijski broj nabavke: 02-14-5-1395-3/17 od 12.10.2017. godine, broj obavještenja o nabavci sa portala javnih nabavki: 668-1-1-69-3-45/17, sažetak obavještenja objavljen u Službenom glasniku BiH – Oglasnik javne nabavke, broj: 75/17, kao prihvatljiva ponuda ocijenjena je ponuda ponuđača:

HIFA - PETROL d.o.o. Sarajevo, sa ukupnom cijenom ponude sa uračunatim popustom bez PDV-a u iznosu od 96.573,00 KM.

II

Ponuda ponuđača iz tačke I ove odluke ocijenjena je prihvatljivom, jer ispunjava sve uslove postavljene tenderskom dokumentacijom.

III

Za realizaciju ove odluke zadužuje se Sektor za pravne, finansijske i opće poslove ovog Ministarstva.

IV

Odluka stupa na snagu danom donošenja i objaviti će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

Obrazloženje

Postupak nabavke pokrenut je Odlukom o pokretanju postupka, broj: 02-14-5-1395/17 od 21.08.2017. godine. Javna nabavka provedena je putem otvorenog postupka nabavke. Procijenjena vrijednost nabavke iznosila je 130.000,00 KM bez PDV-a za dvije godine i predviđena je Planom javnih nabavki za 2017. godinu Ministarstva, dio I Robe, pod rednim brojem 5. – gorivo. Obavijest o nabavci, broj: 668-1-1-69-3-45/17 poslana je na objavu 12.10.2017. godine, te je zajedno sa tenderskom dokumentacijom, istog dana objavljena na portalu Javnih nabavki. Za ovaj postupak nabavke ugovorni organ je predvidio zaključivanje okvirnog sporazuma sa jednim ponuđačem na 2 godine.

Tendersku dokumentaciju preuzelo je 9 privrednih subjekata, a 3 ponuđača dostavila su ponude u predmetnom postupku nabavke. Sve ponude dostavljene su blagovremeno. Ponude su dostavili sljedeći ponuđači: Hifa - Petrol d.o.o. Sarajevo, Holdina d.o.o. Sarajevo i Petrol BH Oil Company d.o.o. Sarajevo.

Komisija za javne nabavke, imenovana Rješenjem, broj: 02-14-5-1395-1/17 od 22.08.2017. godine, izvršila je pregled i evaluaciju pristiglih ponuda, konstatovala da se od ukupno 3 (tri) zaprimljene ponude, dvije odbacuju kao neprihvatljive i to ponude ponuđača: Holdina d.o.o. Sarajevo i Petrol BH Oil Company d.o.o. Sarajevo, a da je ponuđač Hifa – Petrol d.o.o. Sarajevo dostavio prihvatljivu ponudu u predmetnom postupku nabavke.

Ponude ponuđača HOLDINA d.o.o. Sarajevo i PETROL BH OIL COMPANY d.o.o. Sarajevo, odbačene su iz sljedećih razloga:

- u Tenderskoj dokumentaciji, tačka 3.4. Ekonomska i finansijska sposobnost (član 47. stav (1) tač. a) i c) Zakona, propisano je da će ponuda ponuđača biti odbačena, ako ponuđač ne ispuni sljedeće minimalne uslove: pozitivan bilans uspjeha za 2016. godinu i solventnost ponuđača (da transakcijski računi ponuđača nisu bili blokirani u periodu od 6 mjeseci, računajući do datuma objavljivanja Obavještenja o nabavci).

Kao dokaz za solventnost ponuđača tražene su potvrde svih poslovnih banaka kod kojih ponuđači imaju aktivne račune, u skladu sa Izvodom iz Centralne banke BiH, da isti, u zadnjih 6 mjeseci, računajući do datuma objavljivanja Obavještenja o nabavci, nisu bili blokirani.

Ponuđač HOLDINA d.o.o. Sarajevo dostavio je sljedeće Potvrde o solventnosti:

- Potvrdu o solventnosti na ime potpuno drugog privrednog subjekta Energopetrola d.d. Sarajevo, izdatu od strane Raiffeisen Bank, glavna filijala Sarajevo, broj: 03128/17 od 26.09.2017. godine;
- Potvrdu o solventnosti, izdatu od strane UniCredit Bank d.d. Mostar, filijala Sarajevo, broj: 06-2-P-457/17 od 26.09.2017. godine;
- Potvrdu o solventnosti, izdatu od strane Intesa SanPaolo Banka d.d. Bosna i Hercegovine, broj: 752/17 od 26.09.2017. godine.

Iz dostavljenih dokaza, vidljivo je da potvrde datumski ne odgovaraju dokazima koji su traženi tačkom 3.4. tenderske dokumentacije, jer su izdate prije obavještenja o nabavci od 12.10.2017. godine i da obuhvataju samo period do 26.09.2017. godine, a ne period do datuma objavljivanja Obavještenja o nabavci, kako je zahtjevano tenderskom dokumentacijom. Također, prema Izvještaju iz Centralne banke BiH o računima pravnog lica, privredni subjekt, ima aktivan račun od 08.11.2013. godine u Raiffeisen banci dd BiH, za koji nije dostavio potvrdu o solventnosti, ali je dostavio potvrdu na ime drugog privrednog subjekta Energopetrol d.d Sarajevo.

Uzimajući u obzir naprijed navedeno, ponuda ponuđača Holdina d.o.o. Sarajevo, odbacuje se kao neprihvatljiva.

- u Tenderskoj dokumentaciji, tačka 3.5. podtačka b), u svrhu dokazivanja tehničke i profesionalne sposobnosti, ponuđači su, trebali da dostave sljedeći dokaz: potvrdu o kontroli kvalitete goriva izdatu od certificiranog organa za kontrolu kvalitete goriva.

Ponuđač PETROL BH OIL COMPANY d.o.o. Sarajevo nije dostavio potvrdu odnosno dokaz o kontroli kvalitete goriva, izdatu od strane certificiranog organa za kontrolu istog, te se ista odbacuje kao neprihvatljiva.

Nakon izvršenog pregleda i evaluacije ponuda, Komisija je dostavila federalnom ministru raseljenih osoba i izbjeglica Zapisnik o pregledu i ocjeni ponuda, broj: 02-14-5-1395-10/17 od 13.11.2017. godine zajedno sa Preporukom o izboru najpovoljnijeg ponuđača Hifa _ Petrol d.o.o. Sarajevo, sa registriranim sjedištem u ul. Hotonj bb, Vogošća, ID broj: 4200999090005.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz tenderske dokumentacije.

U postupku ocjene provedenog postupka, federalni ministar nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač dostavio je prihvatljivu ponudu, u skladu sa uslovima postavljenim u tenderskoj dokumentaciji, a koja ujedno odgovara i procijenjenoj vrijednosti nabavke ugovornog organa.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke, svaki od ponuđača koji je učestvovao u postupku nabavke, može izjaviti žalbu ugovornom organu - Federalnom ministarstvu raseljenih osoba i izbjeglica, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.

Dostaviti:

1. Svim ponuđačima u postupku
2. Komisiji za nabavke
3. Sektor za pravne, finansijske i opće poslove
4. a/a


MINISTAR
dr. sci. Edin Ramić